



F H G

Samgöngu- og sveitarstjórnarráðuneytið
Sölvuhólgötu 7
101 Reykjavík

Reykjavík 7. janúar 2021

Efni: Umsögn um drög að frumvarpi til breytingu á ýmsum lögum tengdum málefnum sveitarfélaga (Covid-19 og sveitarfélög).

Hinn 23. desember 2020 birti samgöngu- og sveitarstjórnarráðuneytið drög að frumvarpi um breytingar á ýmsum lögum vegna áhrifa kórónaveirufaraldursins á sveitarfélög á samráðsgátt stjórnvalda. Með frumvarpinu er ætlunin að víkja fjármálareglum sveitarstjórnarlaga til hliðar, auka heimildir Lánasjóðs sveitarfélaga til að lána sveitarfélögum vegna rekstrarhalla og veita sveitarfélögum aukið svigrúm við innheimtu fasteignagjalda. Frumvarpsdrögin hafa verið tekin til skoðunar á vettvangi **SAF** – Samtaka ferðaþjónustunnar og **FHG** – Fyrirtæki í Hótel og gistipjónustu (hér eftir samtökin) og vilja samtökin koma með eftirfarandi ábendingar.

Fasteignaskattur og dráttarvextir

Í II. kafla frumvarpsins eru lögð til tvö ákvæði til bráðabirgða við lög um tekjustofna sveitarfélaga, nr. 4/1995. Annars vegar er lagt til að gildistími lögveða í fasteign vegna greiðslna fasteignaskatts vegna árána 2020 til 2022 verði lengdur í fjögur ár í stað tveggja og hins vegar að sveitarfélögum verði heimilt að lækka eða fella niður dráttarvexti á kröfu vegna vangreiðslu fyrrgreindra fasteignaskatta vegna sömu ára hjá gjaldendum sem eiga við verulega rekstrarörðugleika að stríða vegna kórónuveirufaraldursins eða gjaldendum sem leigja húsnæði til rekstraraðila þar sem sömu skilyrði eiga við.

Samtökin telja að fyrirhugaðar breytingar séu mjög jákvæðar, mikilvægar og nauðsynlegar. Fjöldi atvinnurekenda, sérstaklega atvinnurekendur í ferðaþjónustu, hafa átt við verulega rekstrarörðugleika að stríða af völdum kórónuveirufaraldursins. Aðgerðir stjórnvalda og sveitarfélaga á þessum tímum þurfa að vera með þeim hætti að tryggja að atvinnulífið sé í stakk búið til þess að taka kröftuglega við sér þegar áhrif heimsfaraldursins taka að réna og viðspyrnan hefst.

Samtökin telja að fyrirtæki sem eru að koma útúr kórónuveirufaraldrinum með auknar skuldir og engar tekjur um lengri tíma þurfi að fá niðurfellingu á stórum hluta þeirra skulda sem hafa safnast upp þann tíma sem för ferðamanna til og frá landinu hefur verið og verður miklum takmörkunum háð. Því er sú viðleitni stjórnvalda sem endurspeglast í þessu frumvarpi nauðsynleg til þess að liðka fyrir úrlausn skuldavanda fyrirtækjanna og ýta undir að þau geti vaxið hratt á ný eftir þetta erfiða rekstrarár.

Reglur sveitarfélaga að lækka eða fella niður dráttarvexti

Samtökin telja að lögín og áhrif þeirra standa og falla með þeim reglum sem sveitarfélögin setja í kjölfar þessarar lagabreytingar. Ef sveitarfélögin setja sér ekki almennar reglur um hvenær sé heimilt að fella niður eða lækka dráttarvexti þá verða áhrif þessarar lagabreytingar mun minni en lagt er upp með. Í frumvarpsdrögunum segir:

Engu að síður er mikilvægt að sveitarfélög setji sér hlutlægar og skýrar reglur til að tryggja að jafnræðis verði gætt og að sambærileg mál fái sambærilega meðferð innan sama sveitarfélags. Þess ber að geta að ekkert mællir því í mót að sveitarfélög setji sér sameiginlegar reglur í þessum efnum telji þau ástæðu til.



FHIG

Samtökin taka undir þessi orð. Hins vegar væri betra að það yrði sett skylda á sveitarfélögin að setja slíkar reglur sem byggjast á almennum viðmiðum og þær verði sameiginlegar, enda á ekki að mismuna atvinnurekendum, eftir því í hvaða sveitarfélagi fasteign atvinnurekanda er staðsett. Samtökin mælast eindregið til að löggjafinn taki af skarið með það við afgreiðslu frumvarpsins.

Önnur ákvæði

Samtökin taka undir önnur ákvæði frumvarpsins og telja þau mikilvægan þátt í að heildarmarkmiði lagabreytinganna verði náð.

Lokaorð

Samtökin fagna frumvarpsdrögum og telja mikilvægt að endanlegt frumvarp verði lagt fyrir Alþingi eins fljótt og kostur er. Það að greiða fyrir því að sveitarfélög hafi kost á að koma til móts við fyrirtæki í ferðaþjónustu er mikilvægt skref í átt að því að aflétta þeirri óvissu sem fyrirtækin búa við í dag. Hver vika sem líður getur skipt máli þar.

Virðingarfyllt

f.h. Samtök ferðaþjónustunnar

f.h. Fyrirtæki í hótél- og gistiþjónustu

A handwritten signature in black ink, appearing to read 'Jóhannes Þór Skúlason'.

Jóhannes Þór Skúlason

A handwritten signature in black ink, appearing to read 'Kristófer Oliverson'.

Kristófer Oliverson